



122. ՇԱՐՈՒ ԵՎ ՇԱՀԱՐԱԶ

ժամանակով ըլլում ա, շի ըլլում մի թաքավոր, ըտրան ունենում ա էրկու հատ տղա, մնի անունը՝ Շարո, մնի անունն էլ՝ Շահարազ: Դրանց մի հատ բաղ են ունենում, էտ բաղի վրա մի հատ Բազե ղուշ ա բահամ գալի, էտ բաղի միջի անմահական խնձորները ամեն տարի քաշում տանում ա: Մի տարի թաքավորի մենձ տղեն՝ Շարոն հորը խնդրավ, թե.— Թող ես էթամ բաղը պահեմ, բալքի էտ անիրավի ձեռքիցը ազատենք:

Հերն ասեց.— Ա՛յ որդի, ունեմ-չունեմ էրկու որդի, գնաս՝ էտ անիծած Բազեն կվերունի կհանի երկնքի օխտը ղաթը կքցի, կտուրներդ շի էրևա, մեղք եմ:

Տղեն էլի աղաչում ա, հերն ասում ա.— Դե մեղքը քու շլինքը, էթում ես՝ գնա, համա քեզ զգուշ պահա:

Շարոն վեր ա կենում, թուրը վերցնում ա, էթում ա բաղը. մուխն ընկնում ա, էտ Շարոն շատ ա ման գալի: Քշերվա կեսն անց քունը տանում ա, էթում ա մի ծառի տակ նստում ա, քնում: էտ անիրավ Բազեն քշերվա կեսին գալում ա, էտ անմահական խնձորները հավաքում ա, տանում:

Առավոտը որ լիսը բացվում ա՝ թաքավորի տղեն վեր ա կենում տենում ա, ի՜նչ տեսնի, բաղի պատը քանդած, ծառի ճղերը կըտրտված, զատ չկա: Թողնում ա, փոր ու փռչման էթում ա իրան հոր կուշտը:

Մնում ա մյուս տարին, պուճուր ախպերն ա ասում.— Շահա-
լազ թագավորն ապրած կենա, թող էս տարի էլ ես էրթամ բաղը
պահեմ:

Թաքավորը վեր ա ունում, ասում.— Ա՛յ որդի, մենձ ախպո-
րիցդ ինչ բարեբերութիւն տեհա, որ քեզնից ինչ տենամ, կեթաս,
կը վնասվես:

էլի կրկնում ա.— Զէ՛, թաքավորն ապրած կենա, թող ես էթամ:

Հերը ասում ա.— Մեղքը քու շլիկքը, որ էթում ես՝ քեզ զգուշ
պահա:

Տղեն վերցնում ա հոր թուրը, էթում ա բաղը: Շատ ա անց կե-
նում, քիչ ա անց կենում, քշերվա կեսին տղի քուճը տանում ա,
բռնում ա ճկութիւն կտրում ա, աղ անում վրեն ու կապում: Մըմը-
ռում ա, էս հետ գնում ա բաղի էն գլուխը, կալիս ա էս գլուխը:
Մին էլ տեսնում ա հես ա էտ անիրավ Բազեն թափին էկավ ու
վեր էկավ ծառի վըրա: Շահաբազը ըտեղ զարմանում ա, մեկ էլ
ուշքի ա գալիս, թուրը քցում ա՝ էտ անիրավ Բազեի ոտը կըտ-
րում ա: Բազեն թռչում ա էթում ա: Շահաբազը մատի կապը ետ ա
անում, լվանում ա, ուրիշ շոր ա կապում, ցավը պակասում ա, հան-
գըստանում ա:

Առավոտը վեր ա կենում, սինու մեջը գնում ա անմահական
խնձորները տանում ա հորը:

Վեց անգամ գլուխ ա տալի, վրա յոթին հերն ասում ա.— Հա-
մեցեք, արի նեքսե:

Տանում ա գնում հոր առաջը էտ անմահական խնձորները:

— Է՛,— ասում ա. հերը,— Շահաբազ ջան, իմ թաքավորու-
թյունը գու տարար, գորանա՛ս:

էտ օրը մնում ա, էքսը Շահաբազը վերակենում, իմանում ա
իրանց հարեանից, որ իրանց քաղաքումը մի պառավ կա, որը
իմանում ա էտ ղշի տեղը: էտ պառավը սեյրըբազ ա ըլում, ձըձում
հեծնող: Ասում են, որ նա էտ Բազեին մի ախշիկ ա տվե տարե:
էտ օրն էլ անց ա կենում, առավոտը լիսը բացվում ա, Շահաբազը
էթում ա էտ պառավի կուշտը, ասում ա.— Նանի ջա՛ն, բարի լուս
քեղ:

— Բա՛րե, հազար բարի էկար, նանին քեզ ղուրբան:

— Է՛,— ասում ա,— նանի ջա՛ն, ես իմացել եմ, որ էտ անի-
տավ Բազեի տեղը գու գիդաս, ինձ ասա, ես պիտի էթամ ընտրա
կուշտը, գործ ունեմ:

— Դե որ ըտենց ա,— ասում ա,— թաքավորի տղա՛, ես գի-
տում եմ ընչի համար ես էթում. որ ընտրա հետ կռիվ կանեք,

ընտրա լեզվի տակը մի հատ մատանիք կա, բան ա որ հաղթեցիր
ընտրան, լեզուն և՛ը կտրեա ու կվերնես: Ընտրա բմբլներից էլ իրեք
հատ կըվերնես, կըպահես:

Շահաբազը վեր ա կենում առանց տունը դիպչելու, ընկնում ա
ճամբա, էթում ա:

Շատ ա էթում, քիչ ա էթում, էթում ա տենում ա մի հատ բի-
ձա նստած՝ էրկու կծիկ աղաքին, սպիտակը կծկում ա սևը թող-
նում ա:

— Է՛,— ասում ա,— բարի աջողում, բիձա ջան, էտ ի՞նչ ես
անում:

Ասում ա.— Ա՛յ որդի, էս սևը որ կա՝ քշերն ա, սպիտակը որ
կա՝ լիսն ա:

Ասում ա.— Բիձա ջան, սևը մի կծկի, լիսը թող՝ մի էթամ
ճամփես հասնեմ:

Ասում ա.— Ես չեմ կարա ժամանակից դուս գամ:

Նա՛ հա՛, սա՛ չէ՛: Վերջը ետ Շահաբազը բիձին վեր ա ունըմ
դնում գեդինը, ձեռ ու ոտը պարանով դայիմ կապում, սևը կծկում,
սպիտակը թողում ու շարունակում ա իրա ճանապարհ:

Շատ ա էթում, քիչ ա էթում, էթում ա հասնում ա քաղաքի
դրաղը, տենում ա մի նախրչի տավար ա պահում: Ասում ա.— Բա-
րի աջողո՛ւմ, նախրչի ախպեր:

Ասում ա.— Բա՛րե, հազար բարին էկար, ախպեր ջա՛ն:

Ասում ա.— Ես լսել եմ, որ ձեր երկրումը Բազե անըմավոր մի
զուշ կա, ո՞րտեղ ա ապրում:

— Տո՛, ախպեր ջան, դու չես կարա ընտրա հետ գլուխ դնի-
միկնուլն ա՝ էթաս, սաղ չես գա, լավ ա ետ դառնաս, ափսոս ես:

— Տո՛, ա՛յ նախրչի, դու ինձ ասա տեղը, քու բանը չի:

Նախրչին ասում ա.— Դու գիտաս, տենում ե՞ս էն Կարմիր
սարը, էտ Կարմիր սարի քամակը մի մեշա կա, ընդեղ ա ապրում:

— Է՛,— ասում ա,— ազատություն, նախրչի ախպեր:

Նախրչին ասում ա.— Էթաս բարով, ախպեր ջա՛ն:

Շահաբազը քաղսքը չի մտնում, քաղաքի դրաղովից անց ա
կենում, բանցրանում ա էտ սարը: Էթում ա տենում մի մենձ ծառ,
էտ ծառի դրաղները ճղկերքով մենձ բուն էր շինած: Շահաբազը
նիլնում ա ծառը, տենում ա դուշին, զարզանդից պոռշը ճաքում ա:

Բազեն գլուխը բարձրացնում ա.— Հը՛,— ասում ա,— թա-
քավորի տղա, օձն իրա պորտով, դուշն իրա թևով ըստեղ չի մտե,
դու ո՞նց ես մտե ըստեղ: Իջի նստի են քարի վրեն, հրես ես գամ
պատասխանդ տամ:

Շահաբազը խշավ ծառից, նստավ քարի վրա, էտ անիրավ Բազեն վեր էկավ։— Է՛,— ասավ,— Թաքավորի տղա, նպատակդ ի՞նչ ա, ասա տենամ։

— Նպատակս էն ա, որ էկել եմ լիզվիդ տակի մըտանին տանեմ։

— Ա՛յ քու սարվացնողի մեջքը կոտրվի, թե ես կեթամ քաղաք, էտ ձըձում հեձնող պառավին պրտի վերնեմ երկնքի օխտը զաթը, վե քցեմ, կտորը չէրեա։

— Է՛, Թաքավորի տղա, դու իմ տան վրա դոնադ էս էկե, ես քեզ չեմ կանա վատ խոսք ասի, սրեն քունն ա, քցի տենանք Թուրդ։ Շահաբազը քաշեց Թուրը, քցեց էտ անիրավ Բազեի վրա, էտ անիրավ Բազեն թռավ ու էն կողմը կայնավ։

— Է՛,— ասեց,— Թաքավորի տղա, ոտերդ զայիմ հուպ տու գետնին, սրեն իմն ա։

Բազեն Թուրը քաշեց, Շահաբազը են կողմը թռավ։ Թուրը որ շատ բանցրացավ՝ Բազեն Շահաբազին չէր տեսե, էկավ էն տված տեղը, ասեց.— Հա՛յ գիդի հողածին, մի կտոր շմնաց, որ քցեի քերանս՝ սիրտս հովանար։

Շահաբազը են կողմիցը ձայն տվեց, թե.— էտ դդար մի պարծենա, ես ըստեղ սաղ եմ։

— Է՛,— ասեց,— Թաքավորի տղա, հմի ել սրեն քունն ա։

Ելի Շահաբազը Թուրը քաշեց Բազեին, Բազեն թռավ էն կողմը կայնավ։

— Է՛,— ասեց,— Թաքավորի տղա՛, սրեն իմն ա, մուղաթ կաց քեզ։

Բազեն Թուրը քաշեց, Շահաբազը թռավ էն կողմը կայնավ։

— Հը՛,— ասեց,— Թաքավորի տղա՛, սաղ ե՞ս։

Ասեց.— Հա՛, սաղ եմ, բա դու ի՞նչ ես, որ ես քեզնից վախենամ։

— Դե, — ասեց,— Թաքավորի տղա՛, սրեն քունն ա, դու տուր։

Շահաբազը Թուրը քաշեց, Բազեն թռավ էն կողմը կայնավ։

Բազեն վե կալավ ասեց.— Արի՛ գյուլաշ կըպնենք։

Ասեց.— Ես էլ եմ ուզում, կպնենք։

Շահաբազն ու Բազեն հասան իրար հետ գյուլաշ կըպան։ Չանք ճաշ իրար հետ գյուլաշ կըպան։ Եդի անքամը Շահաբազը ճչաց ու Բազեին տվեց գետինը։ Թուրը քաշեց, որ շլինքը կտրի, Բազեն դռը բաց արեց։ Դռը որ բաց արեց, Շահաբազը տեսավ, որ մի երիտասարդ տղա ա։— Վա՛յ, ասեց,— քու մեջքը կոտրվի, իմ ձեռը խի կտրեցիր։

Ասեց.— Ինչդար էլ լավ ըլեա, պտի ես քու գլուխը կտրեմ, չեմ
թողա:

— Խի՞ ես կտրում, ա՛ռ մատանին, գնա՛:

— Զէ՛, մատանին էլ տաս, պտի վտրեմ:

Ասում ա.— Գի՞դաս իմ մատանու հունարը, որ սրբես՝ ինչ
ուղես, կըստանաս:

— Ինչ էլ որ ըլնի, գլուխդ պտի էթա,— ասեց Շահաբաղը,—
թուրը քաշեց, Բազեի գլուխը կտրեց, մատանին հանեց լեզվի տա-
կիցը, գրեց ծոցաշերտը, իրեք հատ էլ բմբուլ պոկեց, կոխեց ար-
խալիդի աստառի մեջը, գլուխն առավ գնաց:

Գնաց ճամփի կեսին ասեց. «Կաց հլա սրա հունարը փորձեմ,
տեսնեմ դո՞րթ ա»: Հանեց մատանին, սրբեց, ասեց. «Քեղանից
կուզեմ մի հատ կարմիր ձի»: Էն ըոպեին մի հատ կարմիր ձի,
Ֆրեռալով էկավ կայնավ Շահաբաղի կողքը: Շահաբաղը վեկալաւ:
Թամբի վրի կարմիր չուխեն, հաքավ, թռավ ձիու վրա: Զին մի բո-
պեումը հասավ իրանց քաղքի դրաղը: Ըստեղ Շահաբաղի միտքն
ընկավ, որ են բիձի ձեռն ու ոտը կապել էր գետնին, ասեց. «Էթամ
եղ անեմ, մեղք ա, իմ մուրազն առա»:

Քաշեց էկավ բիձի կուշտը, ձիուց իջավ, էտ բիձի ձեռ ու ոտ-
քը բաց արեց: Բիձին խընդրվավ.— Բիձա ջա՛ն, բիձա՛, ես քու
հոքուն մեռնեմ, լիսը մի քիչ կամաց կակա (կծկիր) միեղև էթամ
հասնեմ քաղաք:

— Ա՛յ թաքավորի տղա, դու գնացիր քու մուրազը առա՛ր՝
էկար, էս պուճուր տեղը վախանո՞ւմ ես մթնից:

— Դե, բիձա ջա՛ն, ուզում եմ ժողովուրդը մի խելի ինձ տե-
նան:

Շահաբաղը էկավ հասավ իրանց տան կուշտը, հանեց կար-
միր չուխեն, կապեց ձիու թամբի քամակը, գլամը քցեց ձիու գլու-
խը, ձին թռավ, գնաց:

Շահաբաղը էկավ մտավ տունը, բարի փրիգուն ասեց թաքա-
վորին, թաքավորը վեկալավ ասեց.— Շահաբա՛ղ, էս քանի օր ա,
դու ո՞րդե ես գնացե: Ես թաքավոր եմ ըլե ըսդար վախտ, ինձ մեկը
չի ասե, թե քու տղեքը յա լավ են, յա վատն են: Մի գուցե մեկ
ժողով ենք անում, իմ թաքավորութունը հանձնում եմ քեզ:

— Ոչինչ,— ասում ա Շահաբաղը, թաքավորն ապրած կենա.
խնդրում եմ չնեղանաս:— Ասում ա, մատանիքը քսում, ասում ա.
«Քեզնից կուզեմ մի ջուխտ ոսկե շուստ»:

Ոսկե շուստը բուսնում ա: Վեր ա ունում դնում: Կոր աղաքը: Հե-
րը տենում ա, ուրախանում ա:

Ասում ա.— Դե լավ, գնա՛, Շահաբազ ջա՛ն:

էտ օրը անց ա կենում, էքսը գալիս ա ձըձում հեծնող պա-
ռավի կուշտը, ասում ա.— Բարի լուս, նանի ջան:

Ասում ա.— Թաքավորի տղա բա՛րե, աստու բարին էկար, բե-
րե՛ն ես մատանին, հլա բռնա տենանք:

— Տո՛, այ նանի, ես ոնց կարեի էտ մատանին բերե:

— Զէ՛,— ասում ա,— դու էտ մատանին բերել ես, խա-
ւիում ես:

Մի քանի օր անց ա կենում, սինոգ-սինոգսականները ժողով են
անում, հոր թաքավորութունը հաստատում են Շահաբազի վրա:
Ըտրանից մի էրկու օր անց ա կենում, էտ ձըձում հեծնող պառավը,
էտ Շահաբազենց հարևանին մի հատ կնիկ ա ըլում, էտ կնկանը
ասում ա.— Տո՛ տունդ չքանգվի, ըտրան թաքավորութունը ի՞ն-
չին ա պետք, ա՛յ ֆիլան քաղաքը, Նուրիջան թաքավորին մի հատ
քնենց ախիկ ունի, որ չուտես-չիմես՝ էրեսին մտիկ տաս, թող
էթա էն ախիկան բերի:

էտ կնիկը գալիս ա Շահաբազին ասում ա, Շահաբազը գնում
ա ձըձում հեծնող պառավի մոտ.— Բարի լո՛ւս ասում ա,— նանի:

— Բա՛րե, աստու բարին էկար, նանին քեզ մատաղ:

— էտ ի՞նչ եմ լսե, էտ ի՞նչ ես ասե, հլա ասա տենամ: Ետ
ի՞նչ ախիկ ա, որ ետ դրդար գովել ես:

Պառավն ասում ա.— Ի՞նչու ա պետք քու թաքավորութունը,
որ Նուրիջան թաքավորի ախիկը քու կնիկը չի, թե որ տենաս
նրան, խելքդ կեթա:

— է՛,— ասում ա,— նանի ջա՛ն, ինձ ծանոթ չունեմ, բարե-
կամ չունեմ, ո՛ւմ տունն էթամ, ո՛ւմից բան իմանամ:

— Տո գլխիդ, արևիդ մեռնեմ, իմ մոքոր ախիկը ընդեդ ա,
որ դու էթաս ընդեդ, նա ինչ որ ասի՝ դու անգաճ կանես:

Թաքավորի տղեն վեր ա կենում, ընկնում ա ճանապարհ ու
էթում ա էտ քաղաքի մեջը, էն վախտն էլ իրիգնապահ ա ըլում,
նախրչին նախիրը որ բերելու ա ըլում, քուչում հարցնում ա
նախրչուն.— Նախրչի ախպե՛ր, էն պառավի տունը ո՞րդի ա, որ
էրկու հատ էլ թազի ունի:

Ասում ա.— Ախպեր ջա՛ն, էս քուչովը ուրքի, կողքի դար-
ժաղն ա:

էթում ա էտ պառավի տունը.— Բարաջողո՛ւմ, մարե:

— Վա՛յ, բա՛րե, հազար բարի, նանը քե մատաղ:

Ասում ա.— Մարե՛, ղոնաղ չե՞ս ընդունի:

Թե.— Խի՞ չեմ ընդունի, ղոնաղը որ վա, աստունն ա:

Շահաբազը մտնում ա նեքսե, նստում են, խոսում են:

— է,— ասում ա,— նանի՛, էս Նուրիջան թաքավորի ախլիկը կարա՞ս ուզես ինձ:

Թե.— Տղա ջան, էտ ի՞նչ դժվար բան ա, որ ես էտ գործը չկատարեմ: Համա ինչ ասեմ՝ դու պտի ինձ լսես:

Թե.— Կլսեմ, մարե ջան:

— Գիդո՞ւմ ես՝ ինչ կա, տղա ջան, անըմըդ ի՞նչ ա:

— Անըմըս Շահաբազ ա, մարե ջա՛ն:

— Շահաբազ ջա՛ն, էս էրկու թազին տենում ես, ես որ ինչ ըտրանց ասեմ, էն սըհաթը կանեն: էտ ախլկա տունը շատ բարձր հասար ունի, մարդ չի կարա մտնի, բայց էս իմ թազիքը կըթռնեն հասարը, կէթան, ախլկանը ինչ որ ասեմ՝ կասեն: Մնա առա վտար ես կըղըրկեմ ըտրանց, խաբար կը բերեն:

էտ օրը մութն ընկնում ա, Շահաբազը պառկում ա, քնում ա, քշերվա կիսին զարթնում ա, հանկարծ տեսնում ա, որ մի վիշապ էս կողքին ա պառկած, մեկն էլ՝ էն կողմը: Դու մի ասա, էտ պառավը որ կա սելըրբադ ա, իրա թազինները վիշապ ա դարձրել, ուզում ա Շահաբազին սըպանի:

Շահաբազը, որ տենում ա վիշապներին, Բազեի բմբուլը արխալուղի դռիցը երևում ա, քաշըմ ա հանըմ, մեկը քցում ա էն մեկի կողքը, էն մեկը քցում ա էն մեկի առաջը. էտ ջուխտն էլ էտ ըռպեին սատկում են:

Առավոտը վեր են կենում, պառավը տենում ա, որ Շահաբազը սաղ ա, իսկ իրա թաղիքը սատկել են:— Վա՛յ,— ասում ա,— ոչ բարին գայիր իմ տունը, դու իմ տունը խի՞ քանդեցիր: Դու մեղավոր չես, իմ մոքոր ախլիկն ա մեղավոր: Որ նա գիդար դու սելըրբադ իր, խի էր դրգում իմ տունը:

Շահաբազը դուս ա գալիս ու գնում ա ըտրա տանից: Հանկարծ մատանիքը միտն ա ընկնում: «Տո՛, հազիր էս մատնիքը իմ ձեռն ա, ես խի եմ ընկե պառավներին խնդրում»: Ըսպասում ա մութն ընկնի, հանըմ ա մատանիքը, քսում ա, ասում ա. «Մատանիք ջան, ուզում եմ քեզանից մի սև ձի, որ Նուրիջան թաքավորի հայաթը վայնացնի»:

էն սհաթը սև ձին գալիս ա, սև չուխեն թարքին: Շահաբազը սև չուխեն հաքնում ա ու էթում ա թաքավորի ախլկա հայաթումը կաղնում ա հավուղի կողքը: Զուխեն հանում ա Շահաբազը հաքից, քցում ա ձիան թարքին, ձին թռնում ա ու էթում: Թաքավորի ախլիկը մտնում ա օթախը, տենում ա, շատ շոք ա, էթում ա ա-

կուշկի մի ղանադը բաց ա անըմ: Հանկարծ տեսնում ա՝ հավուզի ջրի միջին՝ մի աղի շողք ջրի մեջ էրեւում ա. «Հե՛յ գիդի,— ասում ա,— էս ի՞նչ բան ա»: էս կողմը, էն կողմը նայում ա, տեսնում ա, որ մարդ չկա, ասում ա. «Երեւի երկնքի վրիցն ա շողք ընկեա՛ւ:

Շահաբադը, որ տեսնում ա թաքավորի ախչկանը, էն սհաթը ուշքն էթըմ ա, ընկնում ա գետինը:

Թաքավորի ախչիկը տեսնում ա ըտրան, ասըմ ա. «Հա՛յ դիդի, հողածին ա, ինձ որ տեսավ վերընկավ: Ես պետկ ա գնամ տեսնեմ: Ես ուխտ եմ արեւ, որ իմ հայաթը մարդ մտու հողածին՝ ես ընտրան սլտի առնեմ»:

Թաքավորի ախչիկը իջնում ա, էթում ա Շահաբազի կուշտը. — Հը՛,— ասում ա,— ա՛յ երիտասարդ, ի՞նչ ա, աշխարհք չես տեսել:

Տեսնում ա, որ ուշկը չի գալիս գլուխը, խըտըտում ա, բերում ա օթախը: — Հը՛,— ասում ա, ա՛յ տղա զարթնի:

Տեսնում ա որ տղեն չի զարթնում, վազում ա դըբա մօի դինը, որ վռազ վազում ա, շըշկոում ա, կուժը ձեռիցը ընկնում ա ու ջարդվում: Շահաբադը էտ կօի կոտորվելու ձենիցը զարթնում ա. հանկարծ որ մեկ էլ թաքավորի ախչկանը տեսնում ա՝ նորից էլի ուշն էթում ա: Ախչիկը վաղում ա շուր ա բերում, լցնում ա Շահաբազի գլխին: Ծակատը տրորում ա՝ Շահաբազը զարթնում ա: — Հը՛,— ասում ա,— ա՛յ աղա աշխարք չե՞ս տես: Երեւի դու էլ մի թաքավորի տղա եո, անմըդ ի՞նչ ա:

— Շահաբազ, քեզ հրաման:

— Է՛,— ասում ա,— Շահաբազ, ի՞նչ նպատակով ես էկե իմ հայաթը:

— Որ գուղն ասեմ, քու հմար եմ էկե:

— Դե որ ըտենց ա, Շահաբա՛զ, որ էկել ես ինձ հմար՝ քու շլինքին մեկ մեղք եմ դնում: Էթաս մեր քաղաքը, մի անիրավ Բազե ղուշ ա ապրում, ընտրա լիզվի տակը մի մատանիք կա, եթե էն մատանիքը բերեցիր՝ քեղ կառնեմ, եթե չբերեցիր՝ չեմ առնի:

— Շատ լա՛վ,— ասըմ ա,— թաքավորի ախչիկ, էտ մատանիքը կշտիս ա:

— Մատանիքը որ քու վշտին ա, մեր քաղաքը մի սեյրըբազ ձըձում հեծնող մի պառավ կա, էտ պառավին պըտի սըպանես:

Ասըմ ա. — Ըտրա թաղիքը սըպանել եմ, մնում ա պառավը, պառավին էլ մի սիւլա կըտամ, կվերընգնի կմեռնի: Բայց,— ասըմ ա,— թաքավորի ախչիկ, ինձ մի տաս օր ժամանակ տուր, բիրադի ըստոնք կատարեմ:

— Լա՛վ,— ասում ա, Թաքավորի ախշիկը,— տասը օր քեզ
բե՛կ:

Շահաբազը մնաս բարով ա ասում, դու ա գալի հայաթը,
մատնիքը հանում ա, քսում ա, ասում ա. «Մատանիք ջան, քեզանից
ուզում եմ մի կարմիր ձի»: Կարմիր ձին էն սհաթը գալիս ա կայ-
նում ա կուշտը: Շահաբազը վերցնում ա կարմիր շուխեն՝ հաք-
նում ա, հեծնում ա ձին, ձին թռնում ա:

Թաքավորի ախշիկը հանում ա գլուխը ակուշկիցը, ասում ա.
«Աստվա՛ծ, սուրբ ես, սա հողածին շէր: Մենք էլ ձիանք ունենք,
բա խի շեն ըտենց թռնում»:

Շահաբազը քշում ա ձին, գնում ա իրենց քաղաքը, էթում ա
քաղաքը վեր ա գալի, շուխեն կապում ա ձիու թամբը, գյամը
քցում ա գլուխը, ձին թռնում ա էթում ա:

Առանց իրանց տունը դիպչելու, էթում ա դուզ էն սեյրըբազ
պառավի տունը:

— Ահա՛,— ասում ա,— բաբաշողում, նանե:

— Բա՛րև, հազար բարին էկար, նանեն քեզ մատաղ,— ասում
ա, հմա ծնկները սկսում են դողալ:

Պառավի ճիպոտը ընդեղ դրած ա ըլում, Շահաբազը վեր ա
ունում: Էտ պառավին մի հատ կատու ա ունենում, պառավը հրա-
մայում ա էտ կատվին՝ դառնում ա կարիճ, հասնում ա Շահաբազի
վրա: Շահաբազը փախնում ա: Մատանիքը հանում ա, քսում ա,
ասում ա. «Քեզնից ուզում եմ պատրաստի հիսուն գազանոց ֆոր,
պառավը միջին ըլի»: Էն սհաթը տենում ա մի հատ ֆոր, պառավը
միջին ձեն ա տալի: Շահաբազը էթում ա ֆորի վրա կայնում ա,
տեսնում ա պառավին, ասում ա.— Է՛, անիրավ պառավ սեյրը-
բազ, դու ինձ խափիր, զրգիր մոթուրիդ ախշկա կուշտը, որ վի-
շապները ուտե՛ն:

Պառավը ֆորի միջից հարցնում ա կատվին. «Դառնաք բո-
լորդ կարիճ, Շահաբազին կծե՞ք»:

Շահաբազը տենում ա շորս կողմից կարիճները ուզում են
իրան քրքրեն, մատանիքը հանում ա, քսում ա, ասում ա. «Քեզա-
նից ուզում եմ ըսպիտակ ձին»: Ձին գալիս ա, հենց որ Շահաբազը
ուզում ա նստի ձին՝ մի կարիճ կպչում ա ոտի բթիցը: Բազեի
բմբուլը ընկնում ա տզի միտը, բմբուլը հանում ա ու քսում, էտ
բոլոր կարիճները սատկում են: Էտ պառավի սեյրըբազությունը
կորչում ա: Շահաբազը գալիս ա իրանց տուն, սպիտակ շուխեն
քցում ա ձիու թամբի վրա, ձին թռնում ա, էթում:

Ասում ա. «Սա էտ պառավին չըպտի սպանեմ, ես պտի կրակ:

տանհամ, լցնեմ վրեն, որ չանք լիս վառվի»։ Շահաբազը վեղորոն լիքը կրակ ա լցնում թունդորից, տանում ա լցնում պառավի վրա, կայնում ա կուշտը, անկաճ ա անում, տեսնում ա որ ձեն չկա։ «Հա՛յ գիդի էտ ձըձում հեծնողը փախել ա»։ Վեր ա կենում ըտեղան էթում ա, տեսնում ա՝ հեսա պառավը մազերը խըճըճած, ոտները բորբիկ, մատների ծերերը արնոտ, ասում ա.— Բա՛րե, նանե։

Ասում ա.— Ի՞նչ բարե, ի՞նչ բան,— ասում ա,— Թաքավորի տղա, իմ սեյրըբազությունը դու կտրեցիր. որ ըտենց ա, էտ ձեռիդ ճիպոտովը մի հատ գլխիս տուր, ինձ շինի մի հատ մենձ ագռավ, որ ամեն առավոտ ում պատի վրա կայնեմ, դռամ՝ ամենքը մի քար քցեն, էս պատից էն պատը թրոնեմ։ Իմ աչքը էս քաղաքի վրից մի կտրի։

Թաքավորի տղեն վեր ա ունում ճիպոտը, տալիս ա պառավի գլխին, ասում ա.— Մի ագռավ դառնաս, քշեր-ցերեկ ինչ ուտես՝ չկշտանաս։

Պառավը ըլնում ա մի ագռավ, թռնում։ Շահաբազը ասում ա.— Դու, մոքորդ ախչիկը, Բազեն մեր աշխարքը քանդեցիր։

Շահաբազը թողնում ա էթում։ Էթում ա իրանց տունը. լիսը բացվի ձեր վրա, բացվում ա ըտրա վրա։ Առավոտը վեր ա կենում, մատանիքը հանում ա, առանց իրան հորն ու մորը ասելու, քսում ա մատանիքին, ասում. «Քեզանից կուզեմ սե ձին, ռստեղ պատրաստ»։ Հազնում ա սե շուխեն, վեր ա ըլնում սե ձին։ Ձին թրոնում ա, էթում ա նուրիջան Թաքավորի քաղաքը, էթում ա նուրիջան Թաքավորի ամարաթը։ Հանում ա սե շուխեն, քցում ա ձիու թամբին, ձին թռնում ա, էթում ա։ Էթում ա նստում ա ախչիկա կուշտը։ Ախչիկը կանչում ա իրա հորը, սինոգ-սինոգականներին։ Ախչիկը հորն ասում ա.— էս տղեն ա՝ որ ինձ ուղղմ ա։

Բա,— ասում ա,— ա՛յ որդի, որ էտ տղեն քեզ ուզում ա, քու ասած պատվերները կատարե՞լ ա։

Շահաբազը ասում ա.— Հրաման քեզ, կատարել եմ։

— Ես ոնց հավատամ, որ կատարել ես։

Շահաբազը ասեց.— Ի՞նչ ես ուղղմ։

— Ես ուզում եմ՝ էս ըոպեիս մի հատ կռթան թուխս՝ ութը հատ ճուտը քամակին, ոսկե սինում մեջը կռթկոտալով ման դան։

Շահաբազն ասեց.— Մի պուճուր գնացեք դուռը ըսպասեք, էս էսա բերել տամ։

Թաքավորը, սինոգ, սինոգականները դուրս էկան, Շահաբազը հանեց մատանիքը քսեց, ասեց. «Քեզանից ուզում եմ մի կռթան թուխս, ութը ճուտը քամակին, ոսկե սինու մեջը կռթ-

կըռթալով ման գան: Էն ըռպեին սինու մեջը բերին դրին Շահա-
բազի առաջը: Շահաբազը կանչեց Թաքավորին, սինոդ-սինոդա-
կաններին, Թե.— Էկե՛ք տեսեք:

Էկան տեսան, Թաքավորն ասեց.— Քեզ հալալ ա իմ ախշիկը:
Բերեցին նշանը վեդրին, կեր ու խում արեցին ու թողին գնա-
ցին Թաքավորն ու սինոդ-սինոդականները:

Շահաբազն ու Թաքավորի ախշիկը մնացին ըտեղ մենակ, շատ
երկար խոսեցին, պառկեցան որ քնեն, Շահաբազը թուրը հանեց
դրենց իրանց արանքը: Թաքավորի ախշիկը ասեց Շահաբազին.—
Ի՞նչու ես ըտենց անում, ես իմ պայմանից կը դառնամ:

Ասեց.— Թաքավորի ախշիկ, ինձ մուրազ ունեմ:

Ասեց.— Ես իմ պայմանից կդառնամ:

Ասեց.— Թաքավորի ախշիկ, աշխարք չե՞ս տես, իսան չես
տես, մի քիչ ծանդր կաց:

Ախշիկը համոզվեց, քնեցին:

Լիսը բացվի մեր վրա, բացվեց ըտրանց վրա, վեկացան առա-
վոտը, Թաքավորը կանչել տվեց բոլոր դավլ-զուռնաչիքանց ու
սկսեցին Շահաբազին ու Թաքավորի ախշկանը ճամփա քցել: Նըս-
տան Թաքավորի հասարակ ձիանքից ամեն մեկը ու ընկան ճամփա:

Էս պառավը, որ իմացավ որ Նուրիջան Թաքավորի ախշիկը
Շահաբազը տանում ա, վեկացավ գլուխը քանդեց, մազերը քըր-
քըրեց, մի ջուխտ հին չստեր քցեց ոտներն ու մի բաշ վաղեց գնաց
Շահաբազի հոր փուշտը: Գնաց Թաքավորին վեց անգամ գլուխ
տվեց, վրա յոթին կայնավ, ասեց.— Թաքավորն ապրած կենա,
դու էս հիթսուն տարի Թաքավոր ես ըլե, քու անընին այիբ չի էկե,
քու տղեն գնացել ա Նուրիջան Թաքավորի քաղաքից մի դարաչի,
դանճղ աղջիկ առե գալիս ա:

Թաքավորը կանչեց իրան զորքը, հրամայեց, որ գնան Շա-
հաբազին ու էտ ախշկանը սըպանեն:

Թաքավորը իրան թախտիցը վեր էր էկե, էտ իրավունքը չու-
նեք նա անեք, զորքը էտ գիտեք, չուզեցին էլ՝ իսկական Թաքավո-
րին սըպանել:

Շահաբազը էկավ հասավ քաղաքը, մի հատ մարդ ղրկեց իրա
հոր կուշտը, հերը վեկալավ գհուլ-զուռնեն ղրգեց տղի առաջը, ինքն
էլ սինոդ-սինոդականի հետ գնաց: Գնացին մոտիկացան, Թաքա-
վորը, որ հանկարծ հարսին տեսավ, հարսի սիրունությունիցը ու-
շաթափվավ: Վազեցին ջուր լցրին Թաքավորի վրա, Թաքավորը
զարթնեց, գնաց հարս ու տղի էրեսները համբուրեց, էկան տուն:

Սկսեցին կեր ու խումը: Մուժն ընկավ, բիրադի քաշվան, գնացին, Շահաբազն սւ ախշէկը վեկացան, քնան: Շահաբազը թուրը քաշեց դրեց էրկսի արանքը: Թաքավորի ախշիկը ասեց.— Հը՛, գըլ-խիզ, արեխտ մեռնեմ, Շահաբա՛զ, միտքդ ի՞նչ ա, ինձ ասես:

Ասեց.— Ինձ մուրազ ունեմ, մուրազս պտի կատարվի, նոր ես իմ թաքավորութունը կանեմ:

Առավոտը լիսը բացվի մեր վրա, բացվեցավ ըտրանց վրա: Շահաբազը ուղեց կարմիր ձին, նստավ, թռավ Նուրիշան թաքավորի քաղաքը, գնաց էտ պառավի տունը, ձիուցը իշավ, ձին թռավ գնաց: Մտավ պառավի տունը, ասեց.— Բարաշողում, նանի՛:

Ասեց.— Բարե, ասսու բարին, թաքավորի տղա՛:

Ասեց.— Ա՛խ, նանի, քեզ հոգի չկա. էսա ես քու ենեա կը խոսամ: Նանի՛, դու ի՞նչ իր մտածում, որ գնացել իր իմ հորը էտ խոսկը ասել իր, բավական չէ ինչ էս երկիրը դուք քանդեք:

Շահաբազը ճիպոտը հանեց, գնաց նանի կուշտը, որ էտ պառավը էտ ճիպոտը տեհավ, ասեց.— էտ իմ մոքոր ախշկա ճիպոտն ա,— ասեց,— թաքավորի տղա, որ ինձ պտի շինես շինջանավար, ըտեղ էրկու հատ դըդում կա, որդի որ նեղ տեղն ընկնես, ըտոնք քեզ պետք կը գան, չես հավատո՞ւմ, գնա տես, ամենի վրա էս-դհար ծակ կա, ծակովը մտիկ արա: էտ անպիտան պառավը ուզում էր Շահաբազի գլուխը քալաք հանի, էտ դըդումների մեջ վիշապ կային, որ Շահաբազը մոտենար, վիշապները կքաշեին նեքսե, կուտեին:

Շահաբազն ասեց.— Ինձ հարկավոր չի:

Քաշեց ճիպոտը արխալուղի տակից, խփեց պառավի գլխին, ասեց. «Դու ըլես վիրունի խոզ, մի անկաճդ իսանի անկաճ մնա, որ ավ անողները տենան, իմանան՝ որ դու սեհրբազ պառավն ես»: Դըդումներից մեկին տվեց, ասեց. «Դու ըլես ասլան», էն մեկին էլ տվեց՝ ասեց. «Դու ըլես ղափլան»: Քշեր ցերեկ խոզի քամակից վազեք, չկարանաք հասնեք»: էն սհաթը պառավը դառավ վայրենի խոզ, դըդումները դառան ասլան-ղափլան, ընկան խոզի քամակից, հլա շուր ըսօր էլ վազըմ են, պառավին հանգիստ չեն տալիս:

Շահաբազը հանեց մատանիքը, կանչեց սպիտակ ձին, նըստավ ու գնաց իրա քաղաքը: Նորից սկսեցին ուտել-խմել, օխտը օր, օխտը քշեր դհուլ-դուլնով հարսանիք արեցին: Ընտոնք հասան իրանց մուրազին, դուք էլ հասնեք ձեր մուրազին: Երկնքից իրեք հատ խնձոր ընկավ՝ մեկը ասողին, էրկուսը՝ լսողին: